

世補齋醫書

江左下工自署檢



後六



傷寒論注卷二

吳縣王丙樸莊著

元和陸懋修九芝校

太陽病用承氣湯法第五

九證方四首

凡病有因平素脾約而爲陽結者燥氣有餘所謂太陽陽明有可下之例也人身天真之氣本自陽明交出太陽太陽者承陽明之氣者也今因脾約而內燥病勢不解必用承氣湯使胃之津液得和始肯輸之於太陽然後承之以爲汗則澱然而解矣

發汗後惡寒者虛故也不惡寒但惡熱者

懋修案千金翼方無惡字

實也



當和其胃氣宜小承氣湯

無汗惡寒與汗後惡寒大異汗後惡寒爲虛宜芍藥附子
炙甘草湯若汗後不惡寒爲太陽已解更兼但熱是胃實
也胃實尙在初起之時未定其胃中之必有堅燥故但以
小承氣和之不用芒硝之開結潤燥也

太陽病未解其脈陰陽俱停必先振汗出而解但陽微者先
汗出而解陰微者先下之而解下宜承氣湯

一云大柴胡湯

先汗而解以上詳上桂枝法中若其脈之陽停而陰微者
則是津液內燥致不下通宜承氣湯而視其證以斟酌於
大小二方之間

傷寒十三日過經而譫語內有熱也當以湯下之小便利者大便當堅而反利其脈調和者知醫以丸藥下之非其治也自利者其脈當微厥今反和者此爲內實宜承氣湯

此不傳經之傷寒亦以六七日爲一經十三日則已過二

經矣譫者語多也胃熱生風之象尤爲可下之徵此證因

大便利似不宜承氣因反復辨之於脈平脈法云寸口關

上尺中三處大小浮沈遲數同等雖寒熱或有不解而脈

則陰陽和平雖劇當愈卽是此證故曰其脈調和也本論

太云脈厥者脈初來大漸漸小更漸漸大是其候也今脈無

此微厥之意而反調和則自利乃丸藥所致安知其無巴

豆之熱毒必當從承氣治之矣

太陽病過經十餘日心下溫溫欲吐而胸中痛大便反溏其腹微滿鬱鬱微煩先時自極吐下者宜承氣湯

過經十餘日則二十餘日矣心下溫溫欲吐而胸中痛似小柴胡證大便反溏腹微滿鬱鬱微煩又似大柴胡證云反溏者疑其不似承氣證也審其未過經之先自極吐極下而來知其傷損胃氣邪氣乘虛入胃留而不去其病爲實當治之以承氣矣 按傷寒例中所云甘遂妄攻者卽導水散也方用白芷甘遂水服甘遂性能作利又令病人飲冷水腹滿則吐一名濯腹湯此言極吐下者疑卽此藥

也

二陽併病太陽證罷但發潮熱手足熱熱汗出大便難譫語者下之愈宜承氣湯

併病者傷寒有之不即病之傷寒亦有之病之傳者也但非日傳一經者耳兩經之病參差並見其後太陽之頭項強惡風寒腰痛身疼俱罷但見陽明胃實之證承氣下之則愈矣

太陽病三日發其汗不解蒸蒸發熱者屬胃也調胃承氣湯

主之

懋修案千金翼方無屬胃也三字

蒸蒸汗出之貌裏熱之徵也慮其胃之致有燥屎必用芒

硝以開燥結故以調胃承氣湯主之

傷寒吐後腹滿者承氣湯主之

傷寒本有伏熱表邪從吐而散而伏熱之在裏者因吐後而內燥變爲腹滿經云諸脹腹大皆屬於熱又曰先熱而後生中滿者治其標故必以承氣湯主之也

太陽病吐下發汗後微煩小便數大便因堅可與小承氣湯和之則愈

此微陽陽明證也因太陽病而耗其精液致胃中燥實者與小承氣以和之

大承氣湯

大黃

四兩

厚朴

八兩

枳實

五枚

芒硝

三合

右四味以水一斗先煮二味取五升內大黃更煮取二升

去滓內芒硝更煎一沸分再服得下者止

小承氣湯

大黃

四兩

厚朴

二兩

枳實

大者三枚

右三味以水四升煮取一升二合去滓溫分再服初服譫

語即止服湯當更衣不爾盡服之

懋修案大黃四兩準今不過三錢四分大承氣

朴枳重用小承氣朴枳輕用調胃承氣朴枳不用而加甘草桃核承氣亦不用朴枳而加桂枝甘草以此為識其芒

硝則惟小承氣不用耳

調胃承氣湯

土浦齋醫書

卷二 太陽病用承氣湯法

四

大黃

四兩

炙草

二兩

芒硝

半兩

右三味以水三升煮取一升去滓納芒硝更煎一沸頓服
承氣三方各異其旨大承氣主攻者也厚朴倍於大黃
佐以枳實是氣分爲君取燥淫所勝平以苦溫之旨先
煎朴枳後內大黃使隨氣藥而運芒硝最後烺化欲其
銳於開結也小承氣主和者也大黃倍於厚朴是血分
爲君又復同煎以苦寒者下其熱以苦溫者治其燥則
胃中之陰陽和而地道漸通也調胃承氣主化者也故
去枳朴而加甘草以緩大黃之性不欲擾動其氣但取
芒硝以徐開其結則胃中之陰生而化爲津液千金翼

論藥補五藏者首推大黃非通天手眼何以知之懋修案本

經大黃條下有安和五臟四字後之作本草者皆去之而大黃之功遂隱又案此即靈樞泄其實而出其

汗實其陰以補其不足之謂決非今之滋陰增液也

太陽病不解熱結膀胱其人如狂血自下下者即愈其外不

解尚未可攻當先解其外外解少腹急結者乃可攻之宜桃

核承氣湯

血下自愈解已見前其有人未如狂而少腹急結者須辨

惡寒與否惡寒者先解之但存少腹急結一證原非全屬

膀胱部位攻血從大便出可也

桃仁五十枚大黃四兩桂枝二兩炙草二兩芒硝各二兩

世補腎書 卷二 太陽病用承氣湯法 五

右五味以水七升煮取二升半去滓內芒硝更煎一沸分
溫三服

此於調胃承氣中加桃仁桂枝二味桃仁以潤燥破瘀桂
枝以入榮出衛也柯韻伯曰此方治女子月事不調先期
作痛與經閉不行者最佳

太陽病用陷胸湯法第六

三十一證方一十六首

凡邪之初結有偏於半表者尙可從樞以出則用柴胡
以散之若結偏於裏則非陷之瀉之不可矣陷如銳師
直入瀉如撥亂反正諸多治法非深明乎太陽少陰標
本相合水火相濟之理者不能創也

問曰病有結胸有藏結其狀何如答曰按之痛其脈寸口浮關上自沈爲結胸何謂藏結曰如結胸狀飲食如故時下利懋修案千金陽脈浮關上細沈而緊名爲藏結舌上胎滑者作時小利爲難治藏結者無陽證不往來寒熱其人反靜舌上胎滑者不可攻也

凡心下滿不按亦痛者屬大結胸按之痛者爲小結胸此結於府者故皆不食不利藏結則不然以脈言之同是寸浮關沈而結胸則關上雖沈不細藏結則細沈而緊又藏結舌胎白滑與脈不合脈爲上熱下寒舌則上寒下熱調其陰陽大非易事若表無陽證其人反靜不可以舌之滑

而妄攻其痰也此條未出方治外臺秘要載西晉崔行功
治時行病大下後或不下皆患氣急厥逆心胸高起手不
得近二三日輒死用大小陷胸湯不效謂是下後氣虛毒
復上攻搏結於胸所致當先理其氣次攻諸疾用人參白
朮炙草桔蘖根茯苓牡蠣炮薑枳實八味蜜丸如彈子大
名增損理中丸與之下喉卽折不過服五六丸胸中豁然
矣用藥之速未嘗見此因以告韓康伯毛仲祖王道豫顧
君苗商仲堪諸人並用之於時枳實乃爲之貴云

夫病發於陽而反下之熱入因作結胸發於陰而反汗

一作下

之

懋修案脈經作下千金作汗

因作痞結胸者下之早故令結胸結胸者

其項亦強如柔痙狀下之卽和宜大陷胸丸

懋修案千金連上作一條

發於陽發於陰解見桂枝篇太陽誤下必因其人之脾約而然然以太早故下後多變證也熱入者太陽之表熱陷入於裏也寒水之氣升於胸可作汗解乃以下之故而無形之氣先結於胸有形之水氣又結於心下及脇與少腹矣發陰作痞是少陰之邪正欲外出遽下之而其樞不轉則痞塞心下也項強如柔痙指几几汗出之狀知其表已解此熱結之由胸而上於項者故用丸以從上而緩下之按此爲結胸初起主方下條變丸爲湯則因其勢加重故以湯盪之也

懋修案誤下而致結胸必再下之結始可解今人但知
下之既誤必當便補此則誤之又誤矣故同一大黃也
一爲誤用之大黃一卽爲正誤之大黃一藥之用如此
推之羣藥皆然非有圓機之士烏足以語於斯

結胸證其脈浮大不可下之下之卽死

上文言關上脈沈便含緊實意故可下也若脈浮大浮爲
表大爲虛當與增損理中丸下之則陰陽俱離矣

結胸證悉具煩躁者死

云悉具則脈沈可知誤於失治以致發躁則孤陽飛越矣
成注躁者欲於泥水中卧但飲水不欲得入口此氣欲脫

而爭譬諸燈將絕而暴明也

太陽病脈浮而動數浮則爲風數則爲熱動則爲痛數則爲

虛頭痛發熱微盜汗出而反惡寒其表未解醫反下之動數

則遲頭痛卽眩

一作膈內拒痛

胸中空虛

懋修案脈經作胃中空虛千金亦作胃

客氣

動膈短氣躁煩心中懊懣陽氣內陷心下應堅

懋修案脈經作心下因堅

千金亦作因

則爲結胸大陷胸湯主之

此結胸之最重者遲治則必躁不得不以湯盪之也眩眼

黑也客氣邪氣也膈在心下前齊鳩尾後齊十一椎所以

使濁氣不干心也懊懣煩悶之極也陽氣太陽表熱脈所

由動數者也太陽病脈躁者在手浮而動數手太陽亦病

也浮數爲中風發熱兼動則頭痛必甚兼數則熱乘營虛
至於微盜汗出似邪欲出表然反惡寒則正須解表誤下
則逆也動數變遲邪將結於心胸間矣頭痛卽眩者心下
有支飲也下後胃中空虛邪氣客之而內動於膈以致短
氣煩躁心中懊憹皆胸中邪結勢極迫切之象由是而陽
氣內陷浮遲之脈必變爲沈遲有力按其心下其堅可知
主之以大陷胸湯以逐其水一鼓而下心陽始安人知三
物之峻利孰知其有起死之功乎凡病之但躁不煩及先
躁後煩者皆不可治此躁煩幸在未成結胸前因客氣動
膈所致急乘其乍結而下之愈矣